



北海亭集引



丁丑之杪予將謁為吏篋

燈獨坐為短歌寄懷石卿

其亂曰燕關二子共逃名

白眼江湖短髮生今更折

腰事權貴應賺當年鹿石
卿詩成未寄而君以痛父
構疾不起當年字疑為詩
讖然亦略見吾兩人心期
矣次年春予捧檄過里哭

石卿于江村執孝子之手
謂石卿已矣詩文在不灰
也當刻之差報知己嗟乎
石卿負曠世材與予總角
之宴每試有司率相甲乙

而予自分不逮且遠天啓
改元君以春秋冠京闈名
噪甚兼伯順先生為之父
道德風節為一代龍門文
字之交不可謂弗廣矣乃
石卿每有締構必切切示
予心折予之不阿所好也
鍾期無恙而伯牙先逞人
間尚有山水音哉石卿德
器穆然際其時可霖雨天

下而阨于年僅以文章自
見非志矣更令散逸不傳
責在後處向取道上谷也
高陽孫楚惟清苑潘君美
皆君素交諾為集序屈無
何俱殉虜天生才實難而
蓬艾刈之交遊零落一至
于此不獨為存沒歎矣至
其詩文之格價存以待海
內具眼天球大貝懸黎結

綠豈待先容之口乃堪敵
國君冢子靜觀吾婚也盛
才有閑志其以予言論孫
徵君啓泰以為何如
崇禎己卯大暑社眷弟

范士楫箕生拜題



北海亭詩集目錄

七言古

題列仙圖為李連霞太史壽

題王詡其母貞壽冊

題呂介孺斗園

春柳行贈別李仲孺

題李孝廉祖母冊 李整人名昌齡

送楊濟川將軍

題西湖畫卷

李寧字長孫滿月賦此爲贈時元夕後三日

此日行爲 詔旌陳節母賦

壽杜母七十

贈耿爾光茂才

題劉氏雙烈卷

七夕行贈君異

贈王茂才鼎又

五言古

招客詞四首

簡杜集美二首

送余公遜二首

贈劉克極使君有引四首

北海亭詩集

范陽鹿化麟石卿著

金容孫奇逢啓泰輯

渠水范士楫箕生較

七言古

題列仙圖爲李連霞太史壽

千秋臺畔流雲氣
滹水恒山面復背
一脉蟠結不計年
靈文久闕滴空翠
眞宰徘徊照八區
欲託鉅手驚魑魅
故移仙骨下層霄
傑者人耶靈者地
仙人奇骨

自昂藏卽看咳唾動宮商絲毫不借江生夢夭矯長
虹北斗傍一從謁帝登天上瑤池玉署森相向白雪
呼來片作寒青山賦就篋無恙胸中雲夢莽如秋步
底邯鄲未許求共道絲綸歸黃閣誰從金馬叩丹丘
龍門巖業浮雲起只尺相望候綦履臘月欣逢壽域
開琉璃杯泛霞光紫謁來仙侶澹相招手拍玉板奏
雲璈盈把芝香薦碧桃舞罷長生曲轉高雪稜吹化
蘭臺曉人間何處接蓬島視草歸來日未斜賸有金
緋照枯槁仙期况復逼旭陽葭管初回煖律長松影

不知寒信薄琪花欲借春雲裝北海樽深月華吐從
教大史占星聚追隨日日駐仙都會見驂鸞出煙霧

題王詡其母貞壽冊

君不見長松十丈插天碧借問植根未盈尺等閒漫
指老龍鱗點點宛刻風雨迹興衰轉眼如翻瀾言道
孤兒涕淚看每向前編論節烈由來死易立孤難鳳
毛奮接凌霄武青紉世業人爭覩不記當年鳳去時
堂燕飄零欲誰主深念千鈞一綫垂完貞天挺誓不
移蠶麻本自兼圖史巾幗何曾愧父師空庭寂歷餘

北漢書詩集 卷之二 一
霜月青藜半映書聲咽案頭髮鬢暗窺人可是先靈
來相掖風雲一日躍天津海屋恰逾五十春柳汁染
衣騎綵袖桂香襲座助文茵烏衣巷口開清曉苦懷
回首今應掃丹誥黃麻取次傳瑤池會見飛青鳥

題呂介孺斗園

玉斗有高峰環翠多靈氣鬱吐爲奇人別具真風味
闢土爲園不厭深古寺曲池借幽邃就中位置盡天
然誰謂林泉無經濟主人山斗望如何論到乾坤信
未多共推巨眼懸冰鏡寧許閒身問薜蘿朝聞已報
乞歸草擬將斗酒聽黃鳥漫言國事動焦煩疊來總
向山中掃我今賦送斗園篇中原何地相周旋憂心
祇自牽歸夢憶在城南二頃田

春柳行贈別李仲孺

春柳綿綿春草茸憐君誰與問春風築臺漫說來燕
駿入室還驚走葉龍丈夫上策旣報罷便當長嘯歸
山東名長五湖堪授印興乘千里好推蓬牀頭自有
真英雄舌空在口心在胃與君相慕數相從羽翼雖
乖肝膽同莫將惜別卻征馬鞭弭中原尚可逢

題李孝廉祖母冊 李蓋人名昌齡

仰景石樓山汲泉玉女洞氣脉結千秋靈根別有種
婦人苦恨自茹荼孤苦那能任立孤滄桑漫道哀時
命巾幗猶堪愧丈夫徘徊畫荻還餘痛尋常誰謂舍
飴弄了了忻看小已奇斗間遙指飛長虹蒼茫微月
引涼颼可是績麻佐讀時婺婦憂深寧恤緯孤兒穎
發欲探錐下帷努力搜金簡雙翮迎風猶未滿回首
當年提抱恩累劉日長報劉短鵬鶚秋空莽自橫孤
兒此際始成名曲江原上雪揪聲一笑應知慰九京

君不見十圍之松初如粒風雨龍鱗點點泐路旁指
顧盡行人徙倚雲根長嘆息

送楊濟川將軍

邊風幾載吹戰腥漢家何事倚長城空稱一部金湯
險却避八公草木兵局當更始格猶舊長鎗羞澁毛
錐後強求敗鼓振高音新革不張張錦繡大風再歌
悲且揚市駿誰來請一當莫道風雲艱遇合今朝樞
密是平章吐握精神能起蟄英雄把臂生顏色封侯
寧數李將軍薦士獨憐蕭相國三秦落落一虬髯仰

北漢書言集 卷之一
四
天長嘯凌風煙幾因望氣知雷劔每到聞聲競祖鞭
生成湖海多超忽一日英標動 帝闕拜爵新看近
袞衣建牙會見飛節鉞破格特爲國士酬雷轟隱
隱先聲揭束勒朝排華嶺雲穹孤夜落天山月知君
俠氣蹴崑崙四海偏餘同調存囊中盡罄爲結客匣
底常鳴欲破恩自笑姓名輕劇孟應將肝膽憶平原
盟成記取清商發身在羞稱畫角昏嗚呼丈夫有志
豈居終童下生不衛國胡爲者相逢千載合雙龍此
去高秋奔萬馬結隊直衝海日寒洗兵倒挽天河灑

眼前名第未須論說向麒麟閣上寫

題西湖畫卷

張公愛畫世希有卷內丹青是誰手夾岸長條拂地
垂依稀似見西湖柳西湖楊柳間桃紅繡戶珠簾重
復重巖寺曲回花窈窕城樓斜浸水玲瓏馬蹄狹石
仄雁齒小橋通衣籠細霧長疑雨荷颭輕紋不信風
採菱人去孤舟遠暝煙微帶漁歌晚紫藤蔭下捲香
茵紅蓼花前催急管扇月鈿星曲未聞獻酬莫遣金
尊緩欲醉鳧鷖不避人翻飛故傍旌旛轉芙蓉萬點

亂湖天九微燈向水中然月影清波吞半郭睥睨稜
層皆倒懸歌舞明朝再風流此地偏山川留勝蹟詩
賦掩前賢白紵歌殘秋江冷五湖長印誰堪領婚嫁
何時畢向平臥游聊復學宗炳

李寧字長孫滿月賦此爲贈

時元夕後三日

李翁真長者白首勵清脩道深亡塞馬機謝狎汀鷗
仁人有壽兼有後試舉問天天不謬顧影愁殘老鄧
攸誰教迫晚芝蘭秀五十八年始抱子雪顛長嘯亦
足矣七十有一復抱孫雲中簫鼓重及門往事淒涼

一病叟彼蒼蒼者曾知否眼前長短未須論寧人負
我我不負由來穉藜有豐年豈同畫餅充饑口造物
還從長處看那見孤單與衰朽山中甲子逾古稀說
道文孫今更奇蘭夢開佳兆弧懸表異姿綳香襦是
繡刺膩髮疑脂明珠色動新春夜寶樹輝分滿月時
孫枝拱護梧桐老從茲懷袖耽棗含飴可弄樂未
央誰道生兒苦不早我聞香山居士醉後狂吟倒玉
卮雛鷓看浴鳳凰池座客漫歌將進酒爲翁賡賽引
雛詩

此日行爲

詔旌陳節母賦

古來烈士氣誼殊猶然易死難立孤我行弔古凜遺
謨汗青宛宛縷血濡婦人空自抱區區中道伶俜傷
微軀但存一綫仍踟躕敢云亢宗有遠圖陳母砥節
節不渝總帷忍死爲將雛燈火熒熒照影癯紡車聲
裏書聲俱縷滑機寒十指瘡慘日酸風感路隅鳳毛
一舉翔天衢宿借郎官擁壁蒲版輿纔向河陽驅潘
花夜落聞啼鳥人生有子何如無須子已矣孫可須
汗血幸有龍文駒蹀躞爭期萬里途凌雲賦就壓三

都彈冠會見殿中趨回首當時憶茹荼夢裏不知日
月逾天子採風爲世模蓬門雲爛芝綸敷莫言白骨
夜臺枯寵光此日輝黃壚嗚呼寓形宇內只須臾纔
過朝暎忽已晡百年鼎鼎胡爲乎歸去寧甘草木徂
唯有綱常可共扶誰是閨襜誰丈夫

壽杜母七十

束髮論交氣若雲比隣聲氣播蘭芬江東豪俊稱才
藪洲美允足張吾軍北堂萱彩屬賢母誼缺登堂知
母久訓子殊有丈夫風識度無忘續若翁天池已就

凌風翼玄亭履跡還如織但得不作狹邪游有髦可
荆無難色年來底事未伸眉蘭玉庭堦娛眼遲新歲
懸楣多瑞氣玉樹先茁第一枝屈指幾時堪探果便
從今日欲舍飴人生七十古稱少壽筵喜復臨春曉
西池消息近相聞桃花爛熳翔青鳥有子有孫可娛
老何必金緋勝綦縞雲外遙聽似鳳笙樽前且進如
瓜棗

贈耿爾光茂才

少年才氣如虹吐英英不作尋常伍慷慨從師負笈
游下帷矻矻何攻苦聞道生來身孤危備嘗內憂兼
外侮男兒自立恥受憐可知詩書是干櫓風雨孤燈
照影寒熒熒有物窺煙縷多難真爲磨勵資刮目阿
蒙非浪詡芹泮繽紛斗氣垂價重人龍與文虎含痛
孀幃帶笑看青衿應作班欄舞孤兒有志不辱親萬
里之行可自努會須一日雷雨鳴振衣高飛天尺五

題劉氏雙烈卷

玉壘峰頭與雲屬錦江之水瀉層殼靈氣千秋此地
鍾奇人何事偏相簇雙鶴先生才萬斛生平有志萬

北海詩集 卷之六
間屋宛上諸生帳擁春滇南一路星爲福何來頓作
沉湘哭暮雨蕭蕭博士船相逢豪客胡迫感婦女貞
潔矢不辱那堪枝戟前相目空橐應難謝鵠冠貞心
唯許埋魚腹休言立節愧鬚眉從此含愁動骨肉七
載神明令永夜倚寒燭二三連理枝哀哀念手足共
道孤兒業蚤成爭誇雲路飛聯續國士銜悲泣具牘
節烈精魂猶滿幅棹楔新懸丹旆再讀後先交賁何
郁馥回首存亡二十年重泉應爲開顏不誰謂奇人
偏相族嗚呼誰謂奇人偏相族

七夕行贈君異

新秋銀漢清如許爭道天孫嫁河鼓一夕橋成萬鳥
禿度卻金針五色縷徐家少婦鬱金香手奪天工不
用譜行輩相携懶上樓從他乞巧身獨處須臾天半
推雲霞簫鼓闐闐臨下土特送麒麟到君府試問雲
中抱者誰宣尼牟尼兩教主卽看墮地聲如虎應知
了了空凡伍驂騑一日駕長途富貴功名何足數今
之君異前杜甫性耽佳句不知苦詩成不用老夫傳
留待他年驥子吐

贈王茂才鼎又

漢塞秋來飛赤羽腥塵一夜暗三輔風鶴驚寒鞞鼓
音那知錯繡無堅堵紫水恰值劉將軍手提隻旅揚
神武更傳倡義有王生毀家紆難堪追古投醪兼且
散金錢半萬健兒皆起舞保障屹然虜騎摧書生並
入英雄譜本色無慚燕趙風掬將白雪作肝腑收骨
掩骼倍慙勤仁推枯骨非小補只今豈少素封家說
到捐囊色殊苦阿堵繇來解弄人眼前朽蠹誰常主
如生器識真罕覩津津高誼芬談塵百年世事舉頭

看慷慨何如守錢虜

五言古

招客詞

歸來乎江東江門草色昏萋萋應自恨何敢怨王孫

其二

歸來乎江東江亭花盈把多少看花人聞香不下馬

其三

歸來乎江東江樹排長晝欲識待君心清陰尚如舊

其四

北漢亭詩集 卷之一
歸來乎江東江鳥迴含情日暮空藏柳頻啼四五聲

簡杜集美

東南有佳人年少聲已適世眼忻早達見茲道韻不
孤雲翔野鶴秋水浸明樓忽焉結玄想千載獲其儔
慷慨撫遺編幾作姚江游勉之景前脩放出地一頭

其二

倚玉方慚穢何顏欲相益借口學春秋強爲賢者謫
縱信腸無他敢曰耳不逆多君載谷虛慙慙促前席
愧彼輕薄交相護空形跡珪璋不厭攻他山儘有石

送余公遜

威鳳何方來落落拂脩羽以茲丹穴姿凡鳥誰敢伍
昂霄時一鳴徽音振千古枳棘詎堪栖冥遜亦栩栩
與爾比翼居爾鳴我當舞南北忽分飛碧梧空風雨
不嗟羽翼垂德輝世希覩

其二

德輝去云邁徘徊將若何羽儀吾自珍非關避雲羅
近玩如可作雞鶩安足多異苞何翩翩脩趾何峨峨
飲茲瑤池水食彼玉山禾風雲環且翔歲月寧蹉跎

北漢書詩集 卷之一
矯首相頡頏中原萬里過

贈劉克極使君 有引

使君東海名家也學本通方才堪剗劇丙子七月以清苑縣佐視容城篆時虜氛已熾禍迫震隣甫下車卽拮据料備倉裏中不改整暇之度蓋君曾以萊陽扼孔賊兵事其所素諳也未幾虜果薄城下環攻者數日日每數次君率長箭手射之縱火焚其緣城之梯更伏神器碎其衝門之車虜之糜爛折傷者不勝計士氣激揚各

拚死綏婦人孺子皆踴躍趨事雖徼福于大神默若有以助之非君之鼓厲不及此隣壤如定興安肅雄縣安州俱相繼陷而容獨屹然無恙可謂勞苦功高矣予携家辟地抵容已午夜君親啓門納之日在城頭備聆風旨傾蓋間若對故人嗣聞家難倉皇縋城君揮涕相看未忍判袂拜辭贈馬徒跣奔號日月跳丸忽忽歲盡予旣克襄大事君亦返轡樊輿睠言明德一日直千秋也摧裂餘生言不成韻聊以見志云爾

北海亭詩集 卷之一
胡騎入秋狂腥風扇三輔嗟彼錯繡區當之無堅堵
誰司牖戶謀竟自忘桑土誰作將帥臣枉自聽鼙鼓
中樞棒尚方士勇不堪賈會謂彈丸邑而能折驕虜

其二

使君東海彥攝符蒞彈丸當其受事時風鶴正驚寒
家食抗大敵胸兵久鬱盤談笑岸綸巾衆志倚以安
登樓抒妙筭星斗挂闌干崇朝部署畢規模已可觀

其三

規模甫云定虜騎忽已迫驚沙卷陣黃營火人夜赤

瞻君多整暇卽知辦賊易士氣慨且慷超距欲投石
半天霹靂飛狂虜頓掃迹叟童饒吹揚驩聲動寓客

其四

憐余稱寓客夜半扣城門勞君親啓鑰古誼過平原
推彼道南館依枝百口存未幾聞家難徒跣復北奔
城隈辭贈馬再拜不能言雞骨支牀日空慚欲報恩

北海亭詩集目錄

五言排律

春日述懷

東籬

贈代傳上人

冬日勉下帷諸友次韻應訓三首

送日者某

五言律

詠遺愛祠

為平原令劉

詠名宦祠

壽徐恒山二首

送樸公先生六首

送李將軍

送石將軍

秋日江東諸子聯社賦此為訊

送李和都之任平陸二首

贈任子

次韻簡茅止生

輓任東海八首

秋興

人日賈正卿侯秉虔楊惺民九弟過訪得星字

送王中訥之南儀部四首

江村漁隱次中園韻

晚過興盛寺訪漢儀君異

寄李寧宇

僧窻夜讀

視陳生業有奇進志喜

題燕人本色冊

送劉善同之南都

洲美席次培之緹陽以有他約不果當食而嘆
因以為贈

培之緹陽次朝赴約再賦為嘲

止生喜余歸有作次韻奉酬

九日同茅止生孫啓泰東江諸杜謁靜脩先生

墓和止生韻

雨夜同茅止生賈正卿陳起莘宿太平寺二首

贈韓參夫次啓泰先生韻

試後諸子讌集三首

餞別李春臺廣文

贈于度 代盡我

送別薛洞源令君二首 君以執地方事為大璫所劾

甲戌闈中作

訓王敬哉見懷二首用原韻

秋日過湘美時值初度

送友人赴試易水

北海亭詩集 卷之二
夜飲劉青藜宅漫賦二韻

歲暮曹盡我將歸河南夜集物表亭賦此爲贈

北海亭詩集

范陽鹿化麟石卿著

金容孫奇逢啓泰輯

渠水范士楫箕生較

五言排律

春日述懷

春色看人盡幽懷借境陶烟深驕細鳥波皺讓輕舸
病懶交難狎齋清枕易高有盟憐海嶽無夢亂蓬蒿
落拓還青鬢憑陵任素毫知音堪自賞呼酒對離騷

東籬

結隣開蔣徑同調復同遊神劍今朝合清燈往事悠
恨從知己減名向古人求不折平原簡難迴雪夜舟
藏身餘別韻憂世有先籌無限相期意澄江白露秋

贈代傳上人

覺路辭家早生緣證法空燈傳留古檜杯渡定飛蓬
欲雨龕龍濕非雲杖鶴籠三乘多穎達萬象得玄同
未斷寒蔬火不驚破衲風故山友許約何似虎溪東

冬日勉下帷諸友次韻應訓

携手橫經客千秋一日看清檠延左几白月照南端
才勝須追賈文奇欲起韓課功堪補拙咀道獨先難
蘭茝留賡唱圖書佐汎瀾荒雞聲不惡孤劍影長寒
活水源頭近危峯地步寬朝來羣策厲無夢到槐安

其二

生才必有用羞付隙駒看秋水軒眉次神炎吐鼻端
鞭先當競祖壇拜莫驚韓同譜懷三益連枝許二難
知音關鳥韻寄趣狎魚瀾搖筆春工燦篝燈夜色寒
吟髭一字苦笥腹五經寬佔俾尋常事還期策治安

其三

勵志乘朝氣鬚眉攬鏡看千秋歸眼界萬象屬毫端
帳滿爭依馬途窮不送韓表齊風擅美和郢雪稱難
思路開丹嶂言泉瀉紫瀾茶醒驅夢遠梅老逗香寒
自耐冰霜飽寧論歲月寬前脩須努力名敗是懷安

送日者某

方技多高隱如君可共論青囊留世業白璧照玄言
自信清醒眼深窺造化根風塵禪悅澹湖海客星尊
霞韻班荆見冰心對酒存曳裾傾上谷折簡憶平原

長缺朝吟壯孤檠夜夢繁殘冬催獻節遊子欲南轅
驪唱分襟晚鶯聲寄榻溫重來携手處春色徧江門
五言律

詠遺愛祠

爲平原令劉

仙鳧不可見突兀見新祠宦拙方知品年深始驗思
古心留俎豆生氣動鬚眉伏臘情何極徘徊墮淚碑
詠名宦祠

黍稷爲誰香爭看曠典揚生成齊保障伯仲漢循良
三代斯民任千秋此地望桂蘭知世美光彩炤桐鄉

壽徐恒山

花縣蜚聲久，刀州拜命新。
無腸非沃雪，有脚欲生春。
閭井蒼煙合，江山紫氣緬。
愛傳三輔績，爭祝百年身。

其二

莫論循良傳，獨令千載空。
山川能借寇，父老愛歌馮。
色動隨車雨，聲傳偃草風。
真人臨易水，何處問玄蓬。

送樸公先生六首

邊嶂飛塵日，樞帷借箸年。
迴瀾孤柱出，炤夜一燈懸。
知罪堪存我，行藏別有天。
金門拂袖去，長嘯破江煙。

其二

休官殊不惡，了事本來癡。
歌泣空憐爾，鬚眉欲問誰。
劍光寒自妬，珠影照堪疑。
世局閑中盡，無勞賦五噫。

其三

推轂當年事，何人任請纓。
肉飛方有帥，骨立已無兵。
竿牘時名減，封章戰氣生。
莫疑羣側目，冰雪寸心明。

其四

破格驚流輩，應知欲獻嘲。
有緣生左袒，不惜作前茅。
華表愁歸鶴，公車怒伏虢。
撫心餘涕淚，辛苦任推敲。

其五

誰是丸泥手榆關請一當
拖紳猶燕雀紆畫自螭塘
恨有脫囊穎慚非繞指剛
故園春事晚慷慨掛胡牀
其六

方搖赤羽箭忍賦白綸巾
風雨遵途苦冠裳逐態新
奚囊思不淺夾袋氣猶親
莫忘聞雞舞相關萬里身

送李將軍

三韓疊鼓震國士起三秦
投筆尋知己着鞭愧後人
將星依闕近邊月應麾新
莫問千秋事燕然待勒珉

送石將軍

湖海壇帷合風塵劒影存
負材知李廣結契得劉琨
駿已千金市鵬還萬里騫
遙看揮羽處寒色靜秋原
秋日江東諸子聯社賦此爲訊

秋光堪結社星氣許誰升
塵尾高江左奚囊伴杜陵
清匄吭似鶴奇矯羽爲鷹
把酒看壺矢中原有代興
送李和都之任平陸

漢主求循吏銅章借異才
調高琴自奏香滿花誰栽
清晝垂簾靜春風岸幘開
簿書知未苦爭看璽書來

其二

箕山真氣合竹馬爲誰趨才勝須盤錯心勞在牧芻
劔鋒銷渤海炊影冷萊蕪御李知何日西來有烏鳧
贈任子

彥昇今有子百里慰蓬蒿若自憐雞骨吾還想鳳毛
奇姿冰玉近別調水雲高記取家聲在齊竽豈浪操

次賄簡茅止生

秋色移蓮幕孤城枕海邊槩橫堪作賦鞭着幾驚眠
爾起荆高後誰當衛霍前威儀思漢日王氣動旌旃

輓任東海八首

中原鞭弭在之子去何之鴻鵠期千仞龍蛇歎一時
彼蒼寧可問吾道竟堪疑苦恨山陽笛偏依日暮吹

其二

四海論交日逢君憶阮嵇長沙新賦鵬越石罷聞雞
廊廟猶詩酒關山尚鼓鞶誰令經濟手委骨草烟迷

其三

星聚當年事何論天一方銜杯風雨夕問鼎聖賢場
爾自安嵇懶誰其笑楚狂祗今回首處燈影墜清霜

其四

金蘭初結譜雞黍尚尋盟豈謂終朝別俄成異代名
琴餘山水調劒寄死生情箕尾乘何許中天灝氣明
生來多俊骨一往見清脩策有治安對書無封禪留
稚兒嗟伯道嘉耦比黔婁千古空遺恨才高造物讐

其五

其六

名教開蒙氣知君振鐸年結緣唯白雪增價自青氈
花樣偏難畫風標不受憐祗如郤贄事何似古人傳

其七

臯比一夜撤掩袂徧龍門不覩人心古誰知師道尊
撚題行處得照面本來存欲擬招魂夢長河落日昏

其八

河嶽收遺體風霜擁去輶客來非問字思到是悲秋
白眼論才盡青山寄訊愁生平知己淚一束愧南州

秋興

庭空紛木葉露色澹高秋村酒隨場懶寒花伴榻幽
物情懸白壁吾道寄滄洲不是耽孤賞柴桑調可求

人日賈正卿侯秉虔楊惺民兄弟過訪得星字
春風到草亭烟柳故青青花鳥輝人日江湖動客星
慚余乘下澤看爾起南溟莫訝空山寂丁丁尚可聽
送王中詡之南儀部

南國新除下雲霄見羽毛清風裝客橐白雪照郎曹
骨相傳飛鳥功名仰佩刀祗餘棠蒂在回首不成搔

其二

尚憶分符日喧闐竹馬班龐深茅巷穩鶴過訟庭閑
色動徵黃蚤心搖借寇艱春風將別感征駕爲誰攀

其三

粉署堪棲羽南枝不用媒挾將鸚鵡筆點次鳳凰臺
調古官偏冷心冥俗未猜生平多磊塊容易付樽壘

其四

如君真北海而我豈南州醉裏逢青眼狂來欲白頭
風霜孤劔遠歲月大河流雞舞當年事驪歌未足愁

江村漁隱次中園韻

領取滄洲趣孤村亦敞然綸竿深釣月蓑蓋冷披煙
自笑藏名晚非關賦性偏扁舟如可適疑在五湖天

北海亭詩集 卷之二
晚過興盛寺訪漢儀君異

古寺迴流抱高齋下榻俱風光餘本地花氣撲行厨
對酒慚中聖談詩辟小巫坐深歸路黑飛電劃前衢
寄李寧宇

侵老忘機久幽居世事疎誦詩知有驥彈鋏豈無魚
白髮杯觴在青山杖履餘野懷清不寐簷月下紆徐
僧窻夜讀

何地堪逃俗移居就遠公秋風凌病骨藥裹伴詩筒
塔勢插雲出松陰入夜空坐攤書卷讀霜梵一聲中

視陳生業有奇進志喜

問字特移榻一區亦坦夷隱心生別業寒色照疎籬
書種傳香遠文瀾發興奇詞林應屈指記取菊花期
題燕人本色冊

憐君慷慨士古誼未全沈結客無常調酬知有素心
生涯湖海在傑氣酒杯深不惜千金擲鴟夷又見今
送劉善同之南都

聞雞驚越石孤劍曉霜存尚友堪千古相逢只一言
姓名傾北海肝膽照平原官署休云冷彈冠識主

恩

洲美席次培之緹陽以有他約不果當食而嘆
因以爲贈

祇爲多成約當筵坐寂寥強陪不韻客虛度可憐宵
香燼新添篆風微欲斷簫謾誇幽興熟何似楚天遙
培之緹陽次朝赴約再賦爲嘲

旣柱今朝駕何如昨夜過開樽聊命酒催拍不成歌
尚欲驕金勒那堪斂翠蛾客懷無可語強作醉顏酡
止生喜余歸有作次韻奉酬

久客初言返兒童亦暢吟草痕平砌爽花霧小堂深
詩思凌朝硯秋聲雜暮砧當頭明月好清興滿衣襟
九日同茅止生孫啓泰東江諸杜謁靜脩先生
墓和止生韻

遺墓懷前烈深秋起暮哀道應安偃蹇影不厭徘徊
老樹留雲宿長河抱日回雅供聊薦菊陶徑採英來
雨夜同茅止生賈正卿陳起莘宿太平寺

風雨空山裏驚聽一夜秋臺荒餘落木牖淺挂飛流
只尺僧寮遠微茫客夢愁乾坤何處穩藏壑有孤舟

寺有老僧
字孤舟

其二

此地經行慣從來未解鞍不因歸路阻誰識客窻寒
雨襲懸燈暗風高靜梵殘有人殊念我炙酒已相看

白君九臯
侵晨設款

贈韓參夫次啓泰先生韻

下榻西窻夜誰知刻燭深所忻塵外客堪共歲寒心
僻嗜唯開帙閑愁不入琴江南復薊北隨地散靈襟
試後諸子讌集三首

藝苑瞻龍象羣驚此日空俊翰霜氣迴高調雪華同
旗鼓中原畧橐鞬大將風論心樽酒滿不用賞新豐

其二

尋盟牛耳在把袂雁行齊氣韻還燕趙風流自阮嵇
冰絃傳古曲絲筆賦新題急雨尊前過誰知花徑迷

其三

江干一席地車馬似雲停眉近看誰白錢經選獨青
幽蘭存臭味野鶴著儀刑太史明朝奏應占有聚星
餞別李春臺廣文

世業青緗舊仙才白雪倫道應歸馬帳人自仰龍門
流水琴心遠干霄劍影存斜陽握手處柳色炤清樽

贈于度 代盡我

當年傾蓋地有調解憐同蓬徑還疑蔣長纓不讓終
燕臺知駿價溟海見鵬風何限相期意天香透桂叢

送別薛洞源令君 君以執地方事
爲大璫所劾

雪霏知調冷總入宓琴聲芻牧憂思切鬚眉意氣生
物情存磊塊吾道寄干城千載循良傳兼傳彊項名

其二

共識行春脚空留貯月囊心癡寧諱拙腸熱不辭剛

品價遲山啓 旣奉奪職之
旨部覆稽累
月尚思有以待君而卒不果謳思付召

棠轉園 明主事竹馬徧河陽

甲戌闈中作

四十頭顱是公車五次看絲毫銜霧出星劍帶芒寒
海嶽盟壇在烽煙道路難 聖朝方重士應不厭彈
冠

訓王敬哉見懷二首用原韻

望風欽國士茹古復涵今自託寰中賞相期物外心

佩刀占斗近叢桂宿雲深尚憶西窗話聽移玉漏沉
其二

華髮文章事相憐更幾人少陵元具癖南阮不辭貧
孤唱蓬蒿徑齊盟海岳身經秋違伏枕何處醉清醇
秋日過湘美時值初度

連江澹水煙初度敞初筵秋色侵杯滿玄風帶塵偏
低回雲外曲跌宕醉中禪記取良宵宴應知象緯懸
送友人赴試易水

驄使掄才日儒冠喜共彈春光行欲暮易水不知寒
入夢催江管耽吟據賈鞍方歎饒具眼誰作衆人看
夜飲劉青藜宅漫賦二韻

落日增山色玄亭列綺筵武陵初問渡碣石欲談天
法醞頻傾斗華燈迥照蓮明朝占奏者應道聚星偏
其二

中原鞭弭事聊復寄觥籌地藉荆高勝人疑嵇阮游
麴壇除苛政諧史間清謳夜色憑誰問嚴更徹鎮樓
歲暮曹盡我將歸河南夜集物表亭賦此爲贈
剛道經年別相看意轉親冰霜塵外眼烽火夢中身

鞭弭懷龍友刀環愧雁賓關河千里暮猶有未歸人



